

Allannguutissatut siunnersuut

uunga

**Atuakkanik atorniartarfeqarneq pillugu inatsisartut peqqussutaata  
allanngortinnissaa pillugu inatsisartut peqqussutissaattut siunnersuut**

Aappassaaneerinninnissamut Naalackersuisunit saqqummiunneqartoq.

§ 1-imut

**1. § 12d-mi imm. 3** kingorna immikkoortoq nutaaq ikkunneqassaaq:  
"Imm. 4. Nunatta Atuagaateqarfiata aammalu kommunit atuakkanik atorniartarfiutaasa atuisartuq atuakkanik atorniartarfinni atuisinnaaneranut aammattaq mattussinnaavaat, atuisartuq siusinnerusukkut arlaleriarluni atortut atorsimasat innarlerneqartinnagit tunniunnissaannut pisussaaffini arlaleriarluni unioqutissimappagu. Mattussineq taamaattoqartillugu piffissamik siumut aalajangeriikkamik, atuisartup atuakkanik atorniartarfimmut pisussaaffimminik naammassinninneranit qaammatinik 3-nik sivisunerunngitsumik, piffisalerlugu. "

**Oqaaseqaatit**

*Nr. 1-imut*

Peqqussutissatut siunnersuutip aappassaaneerneranut Inatsisartut Kultureqarnermut Ilinniartitaanermullu ataatsimiititaliaata isumaliuutissiissummini tamanna pillugu inassutaa tunngavigalugu allannguutissatut siunnersuut saqqummiunneqarpoq.

Allannguutissatut siunnersuummut tunngaviusoq tassaavoq, atuisartunik siusinnerusukkut arlaleriarlutik atortunik atorsimasunik innarlerneqartinnagit tunniussinissaminnik pisussaaffimminnik arlaleriarlutik unioqutitsisimasunik mattussigallarnissaminnut atuakkanik atorniartarfiit periarfissaqarnissaannut inatsisitigut tunngavissaqarnissaq qulakkiissallugu. Siunnersuummi mattussigallarnerup sivisussusissaa aalajangersarneqarpoq.